

আমেরিকায় স্টুডেন্ট ভিসার কড়াকড়ি শিথিল

যাযাদি ডেস্ক

আমেরিকা থেকে অন্য দেশে পড়তে আগ্রহী ছাত্রছাত্রীর সংখ্যা আগের বছরের তুলনায় গত বছর ৮% বেড়ে হয়েছে ২ লাখ ৫ হাজার ৯৮৩। অন্যদিকে ৯/১১-এর কারণে ভিসার ক্ষেত্রে আরোপিত কড়াকড়ি কিছুটা শিথিল করায় আমেরিকার কলেজ-ইউনিভার্সিটিতে পড়তে যাওয়া বিদেশি শিক্ষার্থীদের হার ৮% বেড়েছে। সে সংখ্যা হচ্ছে ১ লাখ ৪২ হাজার ৯২৩। ইন্সটিটিউট অফ ইন্টারন্যাশনাল এডুকেশন (আইআইই) এ খবর দিয়েছে। এনা। আইআইই-র প্রেসিডেন্ট অ্যালেন ই গুডম্যান গত সোমবার জানান, চলতি বছরের সেপ্টেম্বর পর্যন্ত ১২ মাসে স্টেট ডিপার্টমেন্ট ৫৯১,০৫০ স্টুডেন্ট ভিসা ইস্যু করেছে। এ সংখ্যা হচ্ছে আগের বছরের একই সময়ের চেয়ে ১৪% বেশি। তিনি



আমেরিকায় স্টুডেন্ট ভিসার

(শেষ পৃষ্ঠার পর)

বলে, বিদেশি ছাত্রছাত্রীদের ভিসা দেয়ার ক্ষেত্রে স্টেট ডিপার্টমেন্ট কিছুটা নমনীয় হয়েছে অথবা প্রসেসিংয়ের কাজটি ত্বরান্বিত করেছে। সত্যিকার অর্থে যারা আমেরিকায় পড়তে আগ্রহী তারা ভিসা পাচ্ছে, এটা সবার জন্যই সুসংবাদ। সারা আমেরিকায় ৯০০ কলেজ-ইউনিভার্সিটির অধিকাংশই অংশ নেয় এ জরিপে। বিদেশি ছাত্রদের উপস্থিতি বৃদ্ধি পাওয়ায় প্রায় প্রতিটি ক্যাম্পাসেই প্রাণ ফিরে এসেছে বলেও সর্গমিষ্টরা উল্লেখ করেছেন। জরিপে প্রাপ্ত তথ্য অনুযায়ী আমেরিকা, ইটালি, স্পেন, ফ্রান্সের ইউনিভার্সিটি হচ্ছে আমেরিকান ছাত্রছাত্রীদের প্রথম পছন্দ। এরপর চায়না, ইনডিয়া, আর্জেন্টিনা এবং ব্রাজিল। অন্যদিকে ইনডিয়া, চায়না, জাপান, কোরিয়া, নেপাল, তাইওয়ান, সউদি আরব, ডিয়েডনাম, মেক্সিকো, কানাডা থেকে আমেরিকায় যাচ্ছে সবচেয়ে বেশি ছাত্রছাত্রী। আগের বছরের তুলনায় গত বছর ইনডিয়া থেকে ৫% কম ছাত্রছাত্রী গেলেও সে সংখ্যা সর্বোচ্চ ৭৬,৫০৩। দ্বিতীয় স্থানে রয়েছে চায়না- ৬৯,৫৮১।